



Habri brasa p'é

Furgell Wijngaarden

**Koro: Karg'i kunuku bon stiwá
Karga di bida hopi pisá.
Maske kon pisá e por ta
Nò, no desesperá
Bo bendishon, djariba e ta**

Shonnan kaminda sambarku trapa
totalika ta bebe awa.
Kòrsou bo sa bo bendishon
habri brasa pidi.
Bendishon na kana
Kos bon pa un kaba
Rikesa di bida.

Verso:
Bida ta un regalo ku nos no por paga p'é.
Hisa kara wak ariba ku legria ban bibé.
Kòrsou, ata bo yunan ta anhelá pa felisidat.

Ora ku solo seka tapushi
Kada kaminda tin su fin
si makut'i bida ta bashí
Habri bo brasa tuma
Ku bo kosecha selebrá bida

**Koro: Karg'i kunuku bon stiwá
Karga di bida hopi pisá.
Maske kon pisá e por ta
Nò, no desesperá
Bo bendishon, djariba e ta**

Ora luna laba su kara
Si milon ta hole den bo kunuku
Wapa drent'é kaya di abundansia
Pos tin ku yena pa mundu sa.

Koro: Djariba e ta bin. 5x

**Koro: Nos tur ta mir'é klaridat
Koro: Ban disfrutá kada minüt
Koro: Halsá bo man i pidi.
Koro: Tata Gran a duna
Koro: Hasié awe no warda
mañan**

**Koro: Bon bendishon djariba e
ta. 4x**



Estribiyo:

Shonnan kaminda sambarku trapa
totolika ta bebe awa.

Kòrsou bo sa bo bendishon,

Awo ta awo

Bo rikesa

No ta plaka den bèshi

Koro: Djariba e ta bin.

Koro: Habri brasa.

Koro: Habri brasa tumé. 3x

Pregon:

Kòrsou, wapando nos ta bai.

Ku man na laira

He m'a bisa bo

Tata gran nunca a faya

Mané un strea e lo baha

Bendishoná bo kunuku.

Ta hopi b'a warda.

Ate dia a yega

Mané un tutumb'i kosecha

Asin'é lo yena bo bida

Mané un tutumb'i kosecha.

Yená ku bendishon.

Kòrsou den fila nos ta bai

Gar'é ku dos man pa nos sigui.

Koro: Habri brasa p'é

Kek

Ho gar'é

Bo rosea di bida

Esei t'e bendishon

Koro: Habri brasa p'é

Koro: Habri brasa

Koro: Gar'é ku dos man. 3x

Kòrsou, wapando nos ta bai.

Ku man na laira

He m'a bisa bo

Tata gran nunca a faya

Mané un tutumb'i kosecha

Asin'é lo yena bo bida

Mané un tutumb'i kosecha.

Yená ku bendishon.

Koro: Habri brasa p'é



Nifikashon di letra spesífiko:

- Kaminda sambarku trapa, tofolika ta bebe awa: otro palabra pa bendishoná un persona.
- Luna ta laba kara: e krans rondó di luna ta señal ku awa ta bin kai. Djariba e awa ta bin.
- Pos tin ku yena pa mundu sa: duna balor na bo bendishonnan.
- Bo rikesa no ta plaka den bèshi: plaka ta kaba, pero don di ariba, bo inteligensia i salú ku Dios a duná bo, no por hinká bo den miseria. Djariba e ta bin.
- Tutumba: artefakto trahá di kalbas pa protehá simia i pone awa fresca.
- Kana: un artefakto ku nan tabata pisa tur loke ta grano den dje / grano di hariña, suku òf pinda. 1 kana ta 750 gram

